

Gobierno di Aruba parti di ground breaking pa plaza y busto di Juan Pablo Duarte



ORANJESTAD(AAN): Na altura di Van Leeuwen Hoekstraat banda di Hospitaal bieu tabata tin un acto protocolario relaciona cu independencia di

Republica Dominicana.

Aki por a mira presencia di autoridadnan halto di Aruba y Santo Domingo.

Tabata tin groundbreaking pa e busto di Juan Pablo Duarte un heroe Dominicano.

Na e ocasion aki prome minister a hiba palabra dirigiendo su mes na tur esnan presente.

Prome mandatario Mike Eman a comenta riba e sacrificio cu hopi hende ta haci pa por sali y haci un escogencia pa bay dilanti.

Asina e prome mandatario a cataloga Juan Pablo Duarte e Libertador di Republica Dominicana.

E prome mandatario no a lubida con durante presencia di su mahestad a hinca un programa unda Aruba cu orguyo a hinca tur nacion presente na Aruba den un show unico.


Aki tambe Santo Domingo tabata presente y pricesa Maxima te hasta a comenta riba e presentacion special duna e dia aki.

Esnan di cas real por a mira con Aruba si a logra uni tur e nacionnan.

Finalmente prome minister a muestra con Aruba pasando den temponan dificil esnan di Latino Americano ta haci masha esfuerzo pa purba tambe trece solucion pa e problemanan cu tin.

Gobierno y e pueblo di Aruba ta sinti nan mes apoya y e solidaridad di e pueblo Dominicano.


Prome minister Mike Eman a felicita e pueblo Dominicanocuecelebracion



aki di dia di independencia di Republica Dominicana.

Telefonan di DIARIO
582-6747 Fax: 582-8551

Consul Dominicano a gradici autoridad di Aruba pa e tereno cu lo bira e plaza Juan Pablo Duarte



ORANJESTAD(AAN): Joselyne Rosario Romero Consul Dominicano na Aruba, durante e acto protocolario pa groundbreaking pa pone busto di Juan Pablo Duarte a dirigi su

mes na esnan presente. El a repasa un tiki riba e bida di Juan Pablo Duarte y a manda su gratitud na autoridad di Aruba pa e cooperacion duna pa pone e busto unda e colonia Dominicano por

rindi tributo.

E evento por a bira uno real a base di e cooperacion di diferente autoridad di Aruba. Awor e contratista lo cuminsa cu nan trabao pa asina haci e cambionan

necesario. Hopi pesimista a kere cu e proyecto aki nunca lo bira realidad. Danki na autoridad di Aruba el a

bira realizable.

Presidente di Republica

Sigui lesa Pg. 57

Continuacion pagina 56



Dominicana Leonel Fernandez tambe a worde gradici pa su sosten. Joselyne Rosario Romero consul general di Santo Domingo na Aruba ta splica mas den presencia di hopi Dominicano cu a sali cu nan bandera diasabra. Por a mira tambe un grupo bisti cu nan paña tipico.

Mescos cu prome minister Mike Eman, tabata tey tambe minister Benny Sevinger, minister Richard Visser, minister Dowers, gobernador Fredis Refunjol y tambe presidente di parlamento. Algun parlamentario di un of otro fraccion tambe a mustra acto di presencia hunto cu e cuerpo consular di Aruba.